


錢錄




漢書門			
二六六〇	二六六〇	二六六〇	二六六〇
架	函	號	類
八	九	四	冊

內閣文庫			
二九八	二九八	二九八	二九八
架	冊	號	類
八	八	八	冊

內閣文庫			
番號	漢	2660	
冊數	8(3)		
函號	293	70	


六七






欽定錢錄卷六

右五代宋文帝四銖錢按文帝紀元嘉七年鑄文曰四銖重如其文



右武帝孝建四銖錢按武帝紀孝建元年鑄顧烜譜云一邊為孝建一邊為四銖洪志引舊譜孝建二字薤葉文四銖則大篆也






右廢帝子業二銖錢按子業紀永光元年二月庚寅鑄二銖錢三月甲辰罷




右廢帝永光錢洪志引徐氏說辨其文曰永光









右廢帝景和錢按通考廢帝景和二年鑄二銖錢文曰景和考大明八年閏五月子業即位其次年乙巳春正月乙未朔改元永光秋八月改元景和十一月被害明帝自立十二月改元泰始則景和無二年甚明通考所稱疑有誤此錢蓋改元景和後所鑄非二年也輪郭肉好亦與二銖不同與二銖固當為兩種而馬氏誤合之為一耳



右梁武帝鐵錢按本紀普通四年十二月戊午用給事中
王子雲議始鑄鐵錢而隋食貨志亦言普通中鑄鐵錢顧
烜言有五銖及五銖大吉大通大富等文此數品皆是



右五銖女錢按食貨志梁五銖錢肉好周郭又別鑄除其
肉郭謂之女錢即公式女錢也以其官鑄故謂之公式曰
女錢者因其時有豐貨名男錢也張台曰背有好郭者公
式女錢無好郭者女錢是誤以公式女錢為二而不知其
固是一種今政之



右太平百錢凡五種篆法各不同大小有間末一品錢字作金




右定平一百定字漚缺




右錢文曰五朱




右對文五銖錢面背皆文曰五銖按隋書食貨志梁武帝時百姓或私以古錢交易有直百五銖五銖女錢太平百錢定平一百五銖稚錢五朱對文等號輕重不一又通考定平一百五銖文曰定平稚錢五銖文曰五銖又五銖文曰五朱又有對文錢其原未聞豐貨錢代謂之男錢云婦人佩之即生男也今詩錢皆梁以前鑄以其為武帝時民間所用爰錄於此惟稚錢五銖與五銖品同異莫辨故弗志其直百一種入於石趙此不重出也




右敬帝四柱五銖按本紀太平二年夏四月己卯鑄四柱
錢一准二十壬辰改一准十




右兩柱五銖按隋書食貨志梁末又有兩柱錢與四柱同



右陳宣帝大貨六銖錢陳書本紀大建十一年秋七月辛
卯初用大貨六銖錢隋書食貨志云以一當五銖之十與
五銖並行後還當一




右後魏高祖太和五銖錢北史食貨志高祖始詔天下用
錢十九年公鑄粗備文曰太和五銖



右孝莊帝永安五銖錢按通考孝莊帝初私鑄者益更薄小從秘書郎楊侃議乃鑄五銖錢文曰永安五銖官自立鑪亦聽人就鑄又隋書食貨志齊神武霸政之初承魏猶用永安五銖蓋此錢行用頗久故董道又謂為北齊永安五銖而洪志乃別繫於東魏之末其實非二種也



右永安土字錢有四出文洪志面文永安五銖幕文土字計後魏所鑄




右永安錢四出文同前無土字洪志引三國典畧云是令公百鑪錢未可為據今附於土字錢之後




右北齊文宣帝常平五銖錢按北史天保四年春正月鑄新錢文曰常平五銖又隋書食貨志文宣受禪除永安之錢改鑄常平五銖重如其文其錢甚貴且製造甚精至乾明皇建之間往往私鑄



右後周武帝布泉二種篆各不同按後周書武帝紀保定元年秋七月更鑄錢文曰布泉以一當五與五銖並行又隋書食貨志後周之初尚用魏錢及武帝保定元年乃更鑄布泉之錢



右武帝五行大布錢本紀及隋志並稱建德三年六月更鑄五行大布錢以一當十今按大字據篆法乃泉字殊不可曉




右宣帝永通萬國錢本紀及隋志並稱大象元年鑄以一當十通考謂大成元年又鑄永通萬國錢以一當千與五行大布五銖二品並用今按宣帝大成元年二月辛巳改大成元年為大象元年此錢為十一月所鑄自應稱大象通考稱大成非是又千字亦十字之誤



右一品篆文甚古異面文萬字鐘鼎篆背文可識者明字萬字餘黯蝕莫能辨以其面文同前附錄於此


欽定錢錄卷六

欽定錢錄卷七




右隋文帝五銖白錢本紀開皇五年行五銖錢而隋書食
 貨志言高祖既受周禪以天下錢貨輕重不等乃更鑄新
 錢背面肉好皆有周郭文曰五銖重如其文每錢一千重
 四斤二兩三年四月詔四面諸關各付百錢為樣四年嚴
 舊錢之禁詔不禁者縣令奪半年祿五年詔又嚴其制自


是錢貨始一所在流布則此錢為五年以前所鑄本紀所稱蓋止就五年詔書言之非始鑄也又通考謂後魏食貨志齊文襄令錢一文重五銖者聽入市用計一百錢重一斤四兩二十銖則一千錢重十二斤以上而隋代五銖錢一千重四斤二兩當是大小稱之差據此則隋代乃以三斤為一斤也又隋志謂是時見用之錢皆須和以錫鐵云云故唐書謂隋行五銖白錢緣錫鐵和鑄故錢色白人遂謂白錢耳今雖歲久晦蝕其白處猶可見




右一品差輕小其五字左有豎文與他品異洪志引舊譜謂五字右邊傍好有一畫餘三面無郭者也舊譜右字當作左今仍原諸錢仿此




右五銖穿上橫文




右五銖穿下橫文




右五銖穿上一星




右五銖穿下一星




右五銖背穿下右一星




右五銖背穿下左一星




右五銖穿上二星




右五銖穿上三星




右五銖穿角三星




右五銖穿下三星




右五銖穿上四星




右五銖穿下四星





右五銖穿上二直文




右五銖背穿上二直文




右五銖背穿下三直文又穿角一星




右五銖細緣




右五銖闊緣以上各種五銖計一十八品按自漢武帝造五銖錢後世形製岐出難以枚舉亦不以五銖為準但存其名而已又況南北朝民間私鑄益盛其源流弗可探討張台曰五銖錢有穿上一星至五星穿下一星穿上下各一星漫面穿傍一星至三星五字之內上下各一星穿上橫文穿下橫文細緣闊緣等名今傳者尚多以府所收各錄其一其間無穿上五星並上下各一星者穿下三星銖銖字四星一枚面文全蝕且微小並錄於此



右平當五銖洪志云平當肉郭夷坦當字湮漫或曰漢代所鑄今按平當二字作直楷非漢製也




右五銖錢去朱如梁初所行五朱去金以朱為銖也洪志引徐氏說名曰五金錢非是




右小錢一品右文曰五左如王意不可曉疑亦五銖字增減也與前品蓋俱是五銖別種




右大錢一品洪志有之引顧烜說臺主衣庫有此錢文曰五銖七千曰中王之錢而舊譜謂五銖七千今按篆文乃十千耳至敦素云此錢最大文為錢中之王亦較顧說為勝蓋鑄錢者偶為之今鑪工凡新開鑄必先造一二枚大者名母錢意即此類又按顧烜乃梁人其時已有此錢則當是六代前製也



右五銖大泉亦顧烜譜異錢七種之一






右兩銖顧烜曰劉氏錢志所載異錢之一





右續銖洪志云形制頗類五銖面無好郭其文右曰續左曰銖今案面文好郭全惟漫平應云漫無好郭也


右二種曰雙五曰雙十並見顧烜譜





右一種作五字凡四董道謂之四五錢皆五銖之變文也附于五銖諸品之末



右二品洪志俱名曰兩管錢董道曰考字書無管字又不與篆合乃引釋真觀書披繒翦髮謂自梵書中出今按書字漢甘泉證銘原有之然隹字則又未可並讀作管矣至梵書繒字與錢文無涉董說附會蓋好奇之過意此二品皆左文讀與半兩錢類曰背兩隹兩者如前品續銖此等固不得強為之解矣




右大泉二品其一泉字居右曰大泉二十後一品泉字居
下曰大泉五十篆法如王莽大泉而面背皆作四出文



右一品右曰文左一字不可識穿角作曲文如四出



右通行泉寶其漫有仰月形亦洪志所有今按錢文繫寶
字始於周景王寶貨後王莽龔用之至唐以後乃概稱寶
如通寶元寶是也此錢文曰寶又仰月形亦與唐鑄相近



欽定錢錄卷七

欽定錢錄卷七

文政三

